



Broj: 01-04-8-454/22-6
Datum: 23.6.2022. godine

Na osnovu člana 64. stav 1. tačka b), člana 70. stav 1., 3. i 6. Zakona o javnim nabavkama BiH („Službeni glasnik BiH“, broj 39/14), člana 39. Statuta Općine Travnik („Službene novine Općine Travnik“, broj 11/05 - Prečišćeni tekst), a u vezi s preporukom Komisije za javne nabavke broj: 01-04-8-454/22-4 od 22.6.2022. godine, načelnik Općine Travnik, **d o n o s i**

R J E Š E N J E

o izboru najpovoljnijeg ponuđača

- (1) Najpovoljnija ponuda za javnu nabavku radova: „Izvođenje radova na izgradnji vodovoda na području općine Travnik“ sa podjelom na lotove, je ponuda ponuđača „VLAŠIĆ GRADNJA“ d.o.o. TRAVNIK, sa ponuđenom cijenom za:
 - **LOT 2 - Izvođenje radova na izgradnji vodovoda u Kraljevicama (MZ Kraljevice)**, u iznosu od 12.760,00 KM bez uračunatog PDV-a.
- (2) Ovo Rješenje se dostavlja svim ponuđačima koji su učestvovali u postupku javne nabavke u skladu sa članom 71. stav (2) Zakona o javnim nabavkama.
- (3) Ovo Rješenje objaviće se na web stranici ugovornog organa (www.opcinatravnik.com.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke radova: „Izvođenje radova na izgradnji vodovoda na području općine Travnik“ sa podjelom na lotove pokrenut je Rješenjem o pokretanju postupka broj: 01-04-8-454/22 od 10.5.2022. godine. Javna nabavka provedena je putem otvorenog postupka. Procijenjena vrijednost javne nabavke bez uračunatog PDV-a iznosi 183.761,00 KM, što predstavlja zbir procijenjenih vrijednosti dva lota. Procijenjena vrijednost za LOT 2 – Izvođenje radova na izgradnji vodovoda u Kraljevicama (MZ Kraljevice), iznosi 12.821,00 KM bez PDV-a.

Postupak je objavljen u Informativnom sistemu „E-nabavke“ Agencije za javne nabavke BiH – broj obavještenja: 54-1-3-60-3-45/22 od 10.5.2022. godine, „Službeni glasnik BiH“ broj 30/22. Rok za dostavljanje ponuda u skladu sa tenderskom dokumentacijom bio je 2.6.2022. godine.

Komisija za javnu nabavku imenovana je Rješenjem broj: 01-30-10-1356/21-1 od 27.12.2021. godine, te je shodno Članu 63. Zakona o javnim nabavkama BiH („Službeni glasnik BiH“ broj 39/14) izvršila javno otvaranje u roku dostavljenih ponuda. Javnom otvaranju ponuda nisu prisustvovali predstavnici ponuđača. Zapisnik o otvaranju ponuda ponuđačima je prosljeđen u zakonskom roku.

Komisija je izvršila analizu dokumentacije priložene uz ponude u smislu propisane forme, suštinske provjere sadržaja i njihove validnosti obzirom na iskazane zahtjeve ugovornog organa u tenderskoj dokumentaciji, odnosno izvršila ocjenu ponuda u skladu s procedurama i pravilima utvrđenim tenderskom dokumentacijom, Zakonom o javnim nabavkama, pripadajućim podzakonskim aktima i internim aktima ugovornog organa, o čemu je sačinila odgovarajući zapisnik u kojem je utvrđeno sljedeće:

- Da je za LOT 2 ukupno prispjelo 6 (šest) ponuda;
- Da je za LOT 2 blagovremeno zaprimljeno 6 (šest) ponuda;
- Da nije bilo neblagovremenih ponuda;
- Da su ponuda ponuđača: „Ted Invest“ d.o.o. Sarajevo, „Merkez Oil“ d.o.o. Novi Travnik, „Ganik i.d.a.“ d.o.o. Vitez, „Vlašić Gradnja“ d.o.o. Travnik i „Teling“ d.o.o. Travnik prihvatljive;
- Da je ponuda ponuđača „Eterna Teks“ d.o.o. Travnik neprihvatljiva iz sljedećih razloga:

Ponuđač je postupio suprotno članu 48. stav (2) Zakona o javnim nabavkama, tako što uz spisak izvršenih ugovora nije priložio potvrde o uspješno realizovanim poslovima kako je to zahtijevano tenderskom dokumentacijom, nego je umjesto potvrda dostavio dva ugovora koja je zaključio sa

OB 001

Strana 1 od 2

ugovornim organom – Općina Travnik, što je Komisija jednoglasnom odlukom ocijenila neprihvatljivim dokazom, te se ponuda odbacuje kao neprihvatljiva u skladu sa članom 68. stav (4) tačka i) Zakona o javnim nabavkama. Članom 57. stav (1) ZJN je propisano da se u postupku javne nabavke kandidat/ponuđač pridržava zahtjeva i uslova iz tenderske dokumentacije, dok je članom 68. stav (4) tačka i) ZJN je propisano da ugovorni organ obavezno odbacuje ponudu koja nije potpuna i ne ispunjava zahtjeve iz tenderske dokumentacije.

Obzirom na to da je ugovorni organ u tenderskoj dokumentaciji i Obavještenju o nabavci predvidio primjenu e- aukcije, u skladu sa članom 4. stav (2) Pravilnika, e – aukcija za je održana dana 15.6.2022. godine vodeći računa da u istom satu mogu biti zakazane e-aukcije za maksimalno dva lota iz istog postupka javne nabavke. Izvještaj o toku i završetku e – aukcije dostaviće se u prilogu zapisnika o pregledu i ocjeni ponuda.

Zbirna tabela sa rangiranjem ponuđača za predmetnu nabavku:

LOT 2 – Izvođenje radova na izgradnji vodovoda u Kraljevicama (MZ Kraljevice)

NAZIV PONUĐAČA	Početna cijena ponude KM	Cijena ponude nakon e – aukcije KM	Postotak umanjena	RANG
GPPD "VLAŠIĆ-GRADNJA" DOO TRAVNIK	13.678,00	12.760,00	-6,71% **	1
TED INVEST	12.776,00	12.776,00	0 %	2
MERKEZ OIL DOO	13.257,80	13.257,80	0 %	3
GANIK I.D.A. D.O.O. VITEZ	13.621,00	13.621,00	0 %	4
GPD TELING DOO	16.997,60	16.997,60	0 %	5

Komisija za javne nabavke Općine Travnik dostavila je dana 22.6.2022. godine općinskom načelniku Zapisnik o radu Komisije i ocjeni ponuda koji je ujedno i izvještaj o radu Komisije broj: 01-04-8-454/22-4, sa preporukom o izboru najpovoljnijeg ponuđača za predmetnu javnu nabavku. U istom je navedeno da je pregledana i analizirana dokumentacija priložena uz ponudu ponuđača u smislu provjere njene validnosti, obzirom na iskazane kvalifikacione zahtjeve ugovornog organa u tenderskoj dokumentaciji otvorenog postupka nabavke.

Shodno navedenom Komisija je prema utvrđenom kriteriju „najniža cijena“ preporučila općinskom načelniku da se u predmetu javne nabavke radova: „Izvođenje radova na izgradnji vodovoda na području općine Travnik“ sa podjelom na lotove donese Rješenje o izboru najpovoljnijeg ponuđača i da se kao najbolje ocijenjena prihvatljiva ponuda za nabavku radova za LOT 2 određuje ponuda ponuđača "VLAŠIĆ GRADNJA" D.O.O. TRAVNIK, te da se u skladu sa članom 69. stav (1) alineja pod a) i Članom 70. stav (1) Zakona o javnim nabavkama BiH postupak javne nabavke okonča zaključivanjem ugovora sa najpovoljnijim kvalifikovanim ponuđačem.

Tokom donošenja ovog rješenja posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, računsku kontrolu ponuđenih cijena, te ocjenu prispjelih ponuda shodno kriterijima iz Tenderske dokumentacije.

POUKA O PRAVNOM LIJEKU:

Protiv ovog Rješenja može se izjaviti žalba roku od deset (10) dana Uredu za razmatranje žalbi putem ugovornog organa, na adresu: Općina Travnik, ul. Konatur bb, 72270 Travnik. Žalba se podnosi u dovoljnom broju primjeraka, koji ne može biti manji od tri.

Obradila: Aida Kavazović, dipl.iur

N A Č E L N I K

dr.sci. Kenan Dautović

DOSTAVLJENO:

- Ponuđačima
- Web stranica UO
- a/a

